



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Conservator.

urn:nbn:de:hbz:466:1-30427

CONSERVATOR.

CONSERVATORES proprie secundum Arch. in c. 1. de of. dele. dicuntur hi, qui dantur infringentes privilegia, & latius, qui dantur vt defendant ab iniurijs, & offensis. Et de his intelliguntur iura loquentia de conservatoribus. Aliquando dantur generalius secundum privilegia, quæ sunt inspicienda. Vnde in privilegio Sexti quarti, quod incipit, Regimini. datur autoritas fratribus prædicatoribus, & minoribus eligendi quemlibet canonicum, vel habentem dignitatem, & quod possit defendere ab omnibus iniurijs, id est, secundum Archidiaconum ab omnibus, quæ sunt contra ius, & quod ministret iustitiæ complementum, sine strepitu. &c. Multa alia possunt, quæ non possunt conservatores, secundum iura allegata.

VICARIUS Episcopi, quia est in dignitate quasi Episcopali, & abbates, priores mendicantium, & guardiani, qui superiorem in domo non habent, possunt esse conservatores Gemi. in c. nullus de elect. lib. 6.

Si conservator secundum iura allegata, ubi aliter non exprimitur in re scripto, se intromittit de alijs à manifestis iniurijs, & violentijs, vel de his, quæ requirunt iudiciale in iudaginē, est per vnum annum suspensus ab officio, & consequenter à beneficio, secundum Archidiaconem, & pars quæ hoc fieri procuravit, excommunicationis sententiam incurrit ipso facto, de qua infra, Excommunicatio. 85. & tenetur de expensis legitimè factis, & propter hanc causam, canone in primis. secunda, quæstione prima. quod si alius, cuius non est conservator, hoc fieri procuraverit, secundum Ge. non est excommunicatus.

Conservator durat vsq; ad obitum concedentis tantum, quoad negotia non incepta. capitulo final. officio delega. libro sexto. nec potest alteri vices suas committere, nisi citationes, & sententiarum denuntiationes, in dicto capitulo finali. nisi ex li-

teris aliter constet. Conservator secundum Archidiaconum in dicto capitulo primo, est delegatus, quia materia eius ponitur in titulo delegati. licet in multis differat. Tabu. ibi. 5. quinto.

CONSILIVM.

CONSILIVM quod est idem quod persuasio non habens vim coactivam, tenetur homo non contemnere, non autem adimplere, & ordinantur cōsilia Christi ad hoc, vt firmitus, & tutius eius præcepta serventur. ex Thom. de ver. quæstione decima. se. prima. a. 3. ad. 2. De consulente, & cōsilio vide infra, Restitutio, quādo quis tenetur. 5. 58.

Quod tenetur facere aliquid de cōsilio aliquorum, si talis qui petit non est sani, vel integri sensus, vt cum pupillus tenetur cum cōsilio duorum agnatorum facere aliquid, ibi, cōsiliū accipitur pro assensu. Si verò sit integri iudicii, tamen tenetur petere cōsiliū ab his, qui sunt participes illius officij, & tunc cōsiliū pro assensu etiam capitur. in capitulo venerabili. iuncta gloss. de officio delegati. Alias qui tenetur facere cum cōsilio, licet teneatur petere cōsiliū, nō tamen tenetur sequi. Pan. in cap. cum in veteri. de elect. in gloss. 1. secus quādo teneretur facere de cōsilio, & assensu. Nec differt dicere de cōsilio, vel cum cōsilio, licet Cin. cōtrarium tenuerit, in l. id quod pauperibus. de episcop. & cler. Primum tamen tene, quia melius.

Quādo verò tenetur facere cū consensu alicuius, distinguunt docto. aut ille de cuius consensu agitur, potest esse particeps huius officij, aut non, si secundum, non est necesse sequi eius assensum, ne per aliam viā ei dem permittatur, quod alia via negatur, per regulam cum quid vna via, de regu. iuris. lib. 6. Si verò potest esse particeps, tunc aut necessitas petendi cōsiliū iniūgitur ab homine, qui habet potestatem à lege, & tunc consensus non necessitat: quia homo non potuit auferre potestatem datam à le-